

Taem Iu Duim Eni Mistek

Disfala pepa bae helpem iu for ting raonem (1) wanem iu duim taem iu mekem eni mistek and (2) wanem for duim sapos iu mekem eni mistek long future.

Wanem nao tingting bilong iu?

1

Why nao samfala young wan no laek talemaot mistek bilong olketa?

.....

.....

.....

.....

.....

.....

.....

EXAMPLE: "Hem isi for luksavve long mistek bilong miseleva, bat for talemaot long narawan hem hard tumas. Mi no laekem pipol for ting nogud long mi."—Melinda.



2

Hao nao bae pipol ting long iu sapos iu evritaem haedem olketa mistek bilong iu?

.....

.....

.....

.....

.....

.....

.....

EXAMPLE: "Pipol bae ting nogud long iu sapos iu duim mistek and haedem. Pipol savve forgivim man wea duim mistek, bat olketa savve les long man wea savve laea."—Christine.

3

Hao nao bae pipol ting long iu sapos iu evritaem willing for talemaot olketa mistek bilong iu?

.....

.....

.....

.....

.....

.....

.....


EXAMPLE: "Mi savve tingim olketa taem wea mi talemaot olketa mistek bilong mi. Long taem olsem, pipol no les long mi bat olketa respectim mi."—Richard.

Wanem nao bae *iu* duim ?




Iu tekem baesikol bilong dadi bilong iu and spoelem.

- ☐ No talem eni samting, and hope hem bae no luksawe.
- ☐ Talem dadi bilong iu wanem hem happen.
- ☐ Talem dadi bilong iu wanem hem happen, bat blamem narawan.



Taem iu plei, ball brekem window bilong wanfala neiba.

- ☐ Ranawe.
- ☐ Talem neiba wanem hem happen and sei iu laek peim niu glass.
- ☐ Blamem narawan.



Iu no pasim test bikos iu no study gud.

- ☐ Sei olketa kwestin long test hard tumas.
- ☐ Luksawe iu nao rong bikos iu no study gud firstaem.
- ☐ Sei teacher no laekem iu so hem daonem mark bilong iu.

Tingim thrifala example hia wea iumi storyim finis and tingim sapos iu nao (1) dadi, (2) neiba, and (3) teacher.

Wanem nao dadi, neiba, and teacher bilong iu bae tingim sapos iu talem aot olketa mistek bilong iu?

.....

.....

.....

.....

.....

Hao nao bae olketa ting long iu sapos iu blamem narawan or trae for haedem samting wea iu duim?

.....

.....

.....

.....

.....

Tingim wanfala mistek wea iu duim insaed year wea go pas.

Wanem nao datfala mistek?

.....

.....

.....

Wanem nao iu duim taem iu mekem datfala mistek?

- ☐ Mi haedem.
- ☐ Mi blamem narawan.
- ☐ Mi stretawe talemaot wanem mi duim.

Sapos iu *no* talemaot mistek bilong iu, hao nao feeling bilong iu bihaen?

- ☐ Gud—No eniwan sawve!
- ☐ Guilty—Mi shud talemaot mistek bilong mi.

Sapos samting olsem happen moa, wanem nao bae iu duim?

.....

.....

.....

.....

.....

Wanem nao iu lanem from mistek bilong iu?

.....

.....

.....

.....

.....

Insaed long olketa month wea bae kam, wanem nao bae iu duim sapos iu duim eni mistek?

.....

.....

.....

.....

.....



Readim moa abaotem mistek.

Duim samfala research moa. Comparem example bilong David wea talemaot sin bilong hem long 2 Samuel 12: 1-13 witim example bilong Saul wea haedem sin bilong hem long 1 Samuel 15:10-26.

Tingim diswan: David and Saul no talemaot mistek bilong tufala *kwiktaem*. Nomata olsem, *gogo* tufala duim datwan bihaen. Why nao Jehovah forgivim David bat no Saul?